

Javno preduzeće „Komunalno“ d.o.o. Banovići

Broj: 05-1199/2022

Datum: 13.09.2022. godine

Na osnovu člana 20. Zakona o radu Federacije BiH („Službene novine Federacije BiH“, broj 26/16 i 89/18), Statuta JP „Komunalno“ d.o.o. Banovići broj: OPU-IP:61/11 od 24.02.2011. godine i OPU-IP:142-1/2015 od 18.06.2015. godine, Pravilnika o radu JP „Komunalno“ d.o.o. Banovići broj: 02-8/2022 od 10.01.2022. godine i broj: 02-107/2022 od 20.06.2022. godine, Uredbe o postupku prijema u radni odnos u Javnom sektoru u Tuzlanskom kantonu („Službene novine Tuzlanskog kantona“, broj: 4/19, 4/20, 11/20, 5/21), Odluke o potrebi prijema u radni odnos na neodređeno vrijeme radnika broj: 05-1196/2022 od 12.09.2022. godine i u skladu sa Pravilnikom o prijemu u radni odnos radnika broj: 04-897/2019 od 18.07.2019. godine, JP „Komunalno“ d.o.o. Banovići raspisuje:

**JAVNI OGLAS
ZA PRIJEM RADNIKA U RADNI ODNOS NA NEODREĐENO VRIJEME NA SLJEDEĆE RADNO MJESTO**

01. Stručni saradnik za građevinsko/rudarsku operativu (1 izvršilac)

01. Kratak opis poslova:

Učestvuje u izradi godišnjih i srednjoročnih planova proizvodnje, vršenja usluga i izvođenja radova i prati njihovo izvršenje, vrši kontrolu ispostavljenih situacija i ovjerava iste i dostavlja ih rukovodiocu službe za tehničke poslove, prati zakone i druge propise iz oblasti radnih odnosa, privrednih društava, javnih preduzeća, javnih nabavki, upravljanja otpadom, zaštite okoline i druge propise iz oblasti saobraćaja, gradske tržnice/pijace-gradskog groblja/mezarja i javnih parking prostora, izrađuje ponude, predmjere i predračune radova i usluga prema trećim licima i svu prateću dokumentaciju, organizuje kvalitetno izvođenje poslova zimskog održavanja ulica i saobraćajnica, obavlja i druge poslove i radne zadatke po naredjenju neposredno nadređenog rukovodioca.

Kandidati trebaju ispunjavati sljedeće opće i posebne uslove:

Opći uslovi:

- Da su državljani BiH
- Da imaju najmanje 18 godina života
- Da su zdravstveno sposobni za obavljanje poslova radnog mjesta (ljekarsko uvjerenje dostavlja izabrani kandidat)

Pored općih uslova kandidati trebaju ispunjavati i sljedeće posebne uslove :

Pozicija 01:

- VSS- fakultet tehničkog ili društvenog smjera, VII stepen stručne spreme prije reforme visokog obrazovanja ili završen prvi ciklus studija po Bolonjskom sistemu sa ostvarenih 180 odnosno 240 ECTS i stručno zvanje bakalauerat za određenu oblast
- Radno iskustvo: 1 godina
- Poznavanje rada na računaru

Potrebni dokumenti:

Kandidati su dužni priložiti sljedeću dokumentaciju:

- Prijavni obrazac (potpisan), koji se može preuzeti na protokolu Preduzeća, na adresi: Ulica Školska broj 2, Banovići ili na web stranici Zavoda za zapošljavanje TK uz Javni oglas,
- Kraća biografija, adresa i kontakt telefon (potpisana),
- Obavještenje o mjestu prebivališta/boravišta, PBA -3 obrazac (CIPS), ne stariji od 3 mjeseca original ili ovjerena kopija,
- Izvod iz matične knjige rođenih,
- Uvjerenje o državljanstvu, ne starije od 6 mjeseci (rok se računa od dana izdavanja uvjerenja od strane nadležnog organa do dana predaje prijave na Javni oglas)
- Diploma o završenom odgovarajućem stepenu stručne spreme
- Izjava o zajedničkom domaćinstvu (Kućna lista)
- Potvrda/Uvjerenje o radnom iskustvu (Potvrda ili Uvjerenja Poslodavca)
- Dokaz o poznavanju rada na računaru

Traženu dokumentaciju dostaviti u originalu ili ovjerenjima od strane nadležnog organa.

Kandidati koji dokazuju prednost (prioritet) pri zapošljavanju obavezni su uz prijavu i ostalu potrebnu dokumentaciju dostaviti i odgovarajuću dokumentaciju (uvjerenja, potvrde i sl.) i pozvati se na poseban zakon po kojem imaju prednost.

Napomena za kandidate:

Sa kandidatima koji budu ispunjavali uslove Javnog oglasa obaviti će se pismeni i usmeni ispit, a o datumu, vremenu i mjestu održavanja istih kandidati će biti pismeno obaviješteni.

Prijem kandidata će se vršiti u skladu sa odredbama Pravilnika o prijemu u radni odnos radnika JP „Komunalno“ d.o.o. Banovići broj: 04-897/2019 od 18.07.2019. godine.

Ako kandidat ne pristupi pismenom ili usmenom ispitu, smatrati će se da je odustao od učešća u Javnom oglasu.

Javni oglas ostaje otvoren 8 (osam) dana od dana objavljivanja u dnevnim novinama.

Prijavu sa traženom dokumentacijom dostaviti lično ili poštom preporučeno na adresu:

Javno preduzeće „Komunalno“ d.o.o. Banovići, Adresa: Školska broj 2, 75290 Banovići sa naznakom „Prijava na Javni oglas za prijem radnika u radni odnos na neodređeno vrijeme, (navesti redni broj i tačan naziv radnog mjesta) – NE OTVARAJ.“

Nepotpune, neuredne i neblagovremene prijave i prijave kandidata koji ne ispunjavaju uslove ovog Javnog oglasa, kao i kopije dokumentacije koje nisu ovjerene od strane nadležnog organa neće se uzeti u razmatranje.

Kandidati će biti pismeno obaviješteni o ishodu Javnog oglasa, a dokumenti dostavljeni uz prijavu neće se vraćati kandidatima.

Kandidat koji bude izabran, prije zaključenja Ugovora o radu dužan je dostaviti ljekarsko uvjerenje nadležne zdravstvene ustanove o zdravstvenom stanju i radnoj sposobnosti za obavljanje poslova radnog mjesta na koje je izabran, kao i uvjerenje o nevođenju krivičnog postupka.



v.d. Direktor

Mrkonjić Admir, dipl.ecc